

春
秋
異
文
箋

皇清經解卷一千三百零六

學海堂

春秋異文箋

仁和趙徵君鼎著

閔公元年

左氏秋八月公及齊侯盟于落姑

注落姑齊地

公羊秋八月公及齊侯盟于落姑

穀同公羊

釋文洛姑一本作路姑

謹案公穀作洛姑或省文路落聲之轉故穀梁釋文云一本

作路姑 唐韻正十九鐸落盧各切去聲則音路漢書揚雄

傳羽獵賦虎路三變晉灼曰路音落 漢書揚雄傳虎路蕭

該音義該按晁錯傳中周虎落韋昭曰於城中爲藩落如落
虎矣謂之虎落 荀子議兵篇彼可詐者怠慢者也路亶者
也注新序作落單

靈川舉人秦培璠對字

皇清經解卷一千三百零六終

皇清經解卷一千三百零七

學海堂

春秋異文箋

仁和趙徵君坤著

僖公元年

左氏夏六月邠遷于夷儀

注夷儀邠地

公羊夏六月邠遷于陳儀

釋文陳儀左氏作夷儀

穀梁同左氏

注夷儀邠地

謹案廣韻夷字在六脂陳字在十七真古音脂真不同部古
方音脂真二韻多通轉故哀十年經薛伯夷卒公羊作薛伯

寅卒寅爲真部字而公羊假寅爲夷是真韵固通脂韵矣以此知夷陳互異公羊因讀陳爲夷也 孝經開宗明義章釋

文旦古夷字也 班馬字類旦史記高祖紀司馬旦將兵北

定楚地古夷字漢紀同 經典文字辨證書說文以旦爲古

文仁字漢書有司馬旦音夷 漢書地理志上越嶲郡蘇水

旦江在西北師古曰旦古夷字 案此仁夷聲轉卽陳夷聲轉之證 詩聲類

無將大車無將大車祇自塵今無思百憂祇自疚今案疚字

从氏廣韵以爲脈之重文與白華疚从氏音巨支反者不同

開成石經誤同書之宋儒遂有妄意是痕字避唐太宗諱而

改从氏者不思釋文出于石經之前卽作疚字音丁禮反陸

德明乃貞觀間人何至不知諱改之出而譌民爲氏乎且字

書初無疾字若謂卽多我觀瘠之瘠則唐人避諱止當作瘠
必無特去日而與疾相混之理也今考張平子賦思百憂以
白疹正用此經蓋脂爲眞之陰聲故从彡之字可變而从氏
廣韵十六軫有眡字訓告也類篇以爲卽曲禮眡于鬼神之
眡或引作眡亦作眡若然眡可以通眡讀之忍反則疾亦可
以通疹讀之鄰反又何疑焉王氏尙書後案曰般庚爾謂朕
曷震勅萬民以遷蔡邕石經謂作惠震作祇震與振同而祇
與振又每通用臬陶謨曰嚴祇敬六德無逸治民祇懼史記
皆作振禮內則祇見孺子鄭注祇或作振 鍾山札記詩小
雅無將大車祇自塵兮無思百憂祇自疾兮宋劉彝以爲疾
當作痕病也唐人避太宗諱民字凡字从民者皆省而爲氏

張參五經文字愍字下云緣廟諱偏旁準式省從氏凡泝昏之類皆从氏又泝字下云莫巾反禮記作塔是其例也顧亭林李安溪皆以其說爲然謂後人又於氏字下添一畫讀疾爲氏誤之甚矣文昭考說文有疾字云病也从疒氏聲竝無疾字又昏字云日冥也从日氏省聲氏者下也一曰民聲一徐本皆同徐錯於昏字云會意元黃公紹韻會於疾字但云一作痲竝不言本作疾余以爲氏字右亦必與民音相近觀今真文韻中之字多有與支微齊通讀者如寅亦可讀移純亦可讀縉原注非必由材字誤辰亦可讀祁詩吉日其祁孔有鄭云祁當作震史記正義敘諡法治典不殺曰祁獨斷祁一作震原注蘇明允諡法作震又作軍賁亦可讀祕芹亦可通斬垠亦可通沂原注沂郭卽垠

郭此類甚多故知疾亦本與民聲相近非本作痕而避諱改
疾也

左氏 八月公會齊侯宋公鄭伯曹伯邾人于櫪

注櫪宋地陳國陳縣西北有櫪城 釋文櫪勅呈反 正義
經書會于櫪傳言盟于犖犖卽櫪也

公羊 八月公會齊侯宋公鄭伯曹伯邾婁人于打

釋文打勅貞反又他丁反左氏作櫪 疏打字左氏作櫪亦
有作打字

梁穀 同左氏

釋文櫪勅貞反一本作打音同

謹案公羊作打假音字 釋例土地名宋地櫪犖二名陳國

陳縣西北有櫟城 穀梁莊二十七年傳注信元年會打釋

文打他貞反又勅丁反本亦作櫟

左氏 九月公敗邾師于偃

注偃邾地 汲古閣本脫 据考文增

公羊 九月公敗邾婁師于纓

釋文纓左氏作偃

穀梁 同左氏

集解偃邾地 釋文偃于晚反一本作堰音同

謹案纓字廣韻在十四清偃字在二十阮古音清阮不同部

古方音則通公羊假纓爲偃亦由方音致譌 公羊昭五年

注据秦伯嬰稻名疏文十八年春秦伯勞卒宣四年春秦伯

稻卒是也然則文十八年經作營字今此嬰字者誤也能知
非彼誤者正以文十八年秦伯營卒之下賈氏云穀梁傳云
秦伯偃不道公羊曰嬰知公羊與左氏同皆作營字矣 漢
書古今人表徐隱王師古曰卽偃王也 列女傳攷證曰女
英古今人表作女營史記索隱曰系木作女瑩大戴禮記作
女匣 人表攷案錢宮詹大昕史記考異謂瑩匣皆音之轉
是也

左氏冬十月壬午公子友帥師敗莒師于鄆獲莒挈

注鄆魯地 釋文鄆力知反挈女居反又女加反

公羊冬十月壬午公子友帥師敗莒師于犁獲莒挈

釋文犁力知反又力兮反左氏作鄆

梁冬十月壬午公子友帥師敗莒師于麗獲莒挈

集解麗魯地 釋文麗力池反

謹案古鄆字省作麗故穀梁作麗鄆犁音同公羊作犁亦假音字 國語周語下執厲公而殺之於匠麗氏舊音麗音離

補音列泄反今案左傳無音字書有麗姓而加邑音離或出此晉語四與麗土之翟舊音麗音歷唐賈與韋同孔晁爲鄆

漢書張騫傳犂靬師古曰犂靬卽大秦國也張掖驪靬縣

蓋取此國爲名耳驪犂聲相近西域傳上西與犂靬條支接

師古曰犂讀與驪同 關中金石記大秦景教流行中國碑

跋大秦郎犂靬說文作麗靬 山左金石志十北齊鄭述祖

天柱山銘麗其騁辯之地麗食其作麗其爲省文 五經文

字掣掣上女居反下女加反

二年

左虞師晉師滅下陽

注下陽號邑在河東大陽縣

公虞師晉師滅夏陽

釋文夏陽左氏作下陽

穀同公羊

釋文夏陽戶雅反左氏作下陽

謹案公穀作夏陽假音字 左氏傳僖五年正義引馬融曰

號仲封下陽號叔封上陽 竹書紀年惠王十九年晉獻公

會虞師伐號滅下陽 隸續斥彰長田君斷碑假印綬守廣

平夏曲陽合斥彰長洪云鉅鹿之四邑曰任曰廣平曰下曲陽曰斥章碑以夏爲下以彰爲章

左氏

秋九月齊侯宋公江人黃人盟于貫

公羊

秋九月齊侯宋公江人黃人盟于貫澤

釋文貫澤古亂反二傳無澤字

穀梁

同左氏

集解貫宋地

謹案公羊經本無澤字故公羊疏於僖九年傳貫澤之會下解云卽上二年秋九月齊侯宋公江人黃人盟于貫是也而此言于貫澤者蓋地有二名疏說如此陸德明所據本有澤字故云二傳無澤字然則在唐時公羊已有二本不同有澤

字者或衍文 釋例土地名宋地梁國蒙縣西北有貫城字
與貫字相似或曰齊有貫澤公羊曰貫澤之會 水經注汭
水篇汭水又東逕貫城南俗謂之薄城非也闕駟十三州志
以爲貫城也在蒙縣西北春秋僖公二年齊侯宋公江黃盟
于貫杜預以爲貫也云貫貫字相似貫在齊謂貫澤也是矣
案貫澤字訛當作貫澤

三年

左氏冬公子友如齊泄盟

釋文泄音利又音類

公羊冬公子友如齊在盟

釋文在音利又音類

皇清經解

卷五十五

趙微君春秋異文箋

六

穀梁冬公子季友如齊蒞盟

謹案僖十六年左氏經公子季友卒杜注稱字者貴之正義曰季是其字友是其名猶如仲遂叔盼之類皆名字雙舉劉炫以季爲氏而規杜過非也据此則穀梁作公子季友似從書字之例或衍一季字爾蒞蒞字同說文作隸玉篇艸部蒞力至切臨也與蒞同關中金石記唐三墳記跋說文無蒞字只作隸故鄭康成注儀禮每讀位爲蒞此竟有蒞字蓋後人隸寫之譌而以之作篆則尤謬也

四年

左氏齊人執陳轅濤塗

釋文袁陳大夫氏也本多作轅

公齊人執陳袁濤塗

穀同公羊

謹案轅袁古通假 左氏僖十五年傳晉於是乎作爰田國

語晉語作轅田 元和姓纂袁媯姓舜後陳胡公滿之後胡

公生申公申公生靖伯庚庚生季子僭僭生仲牛甫甫七代

孫荏伯生諸字伯爰孫宣仲濤塗以王父字爲氏代爲上卿

字或作袁轅其實一也轅頗十一代孫袁生 隸釋袁良碑

厥先驛苗世爲封君周之興虞闢父典陶正嗣滿爲陳侯至

元孫濤塗初氏父字立姓曰袁魯僖公四年爲大夫哀十一

年頗伯司徒洪云班史以袁生爲轅生左傳載濤塗頗皆作

轅古字通用也

左氏葬許穆公

公葬許穆公

穀梁同左氏

說見隱公三年

左氏冬十有二月公孫茲帥師會齊人宋人衛人鄭人許人曹人

侵陳

注公孫茲叔牙子叔孫戴伯

羊公冬十有二月公孫茲帥師會齊人宋人衛人鄭人許人曹人

侵陳

釋文慈左氏作茲

穀梁同左氏

謹案慈古或省作茲公羊不省故作慈 左氏襄十年傅師
歸孟獻子以秦堊父爲右生秦不茲事仲尼 家語七十二
弟子解秦商魯人字不慈 漢書地理志下上郡龜茲應劭
曰音邱慈傅介子傳先是龜茲樓蘭皆將殺漢使者服虔曰
龜茲音邱慈西域傳上東北與龜茲西北與姑墨接師古曰
龜音邱茲音慈 後漢書張奐傳因據龜茲注龜茲音邱慈
西域傳焉耆龜茲注龜茲讀曰邱慈

五年

左氏公及齊侯宋公陳侯衛侯鄭伯許男曹伯會王世子于首止
注首止衛地陳留襄邑縣東南有首鄉

公羊公及齊侯宋公陳侯衛侯鄭伯許男曹伯會王世子于首止

釋文首戴左氏作首止

穀梁同公羊

集解首戴衛地 釋文首戴左氏作首止

謹案戴止古音相近公穀作首戴蓋假音說見隱公十年伐戴下

七年

左氏秋七月公會齊侯宋公陳世子款鄭世子華盟于甯母

注高平方與縣東有泥母亭音如甯 釋文母如字又音無
注同泥乃麗反又音甯王奴兮反

公羊同左氏

釋文母音無或音某

梁秋七月公會齊侯宋公陳世子款鄭世子華盟于寧母

釋文寧母上音如字又音甯下音無又茂后反左氏作甯

謹案甯音義通 禮記禮運注陳靈公與孔甯儀行父數

如夏氏釋文甯本又作寧案左傳作寧公羊作甯各依字讀

說文用部甯所願也从用寧省聲繫傳通釋臣錯曰甯所

寧也今俗人言寧如此爲甯可如此年徑反万部寧願詞也

从万孟聲 史記秦始皇本紀於是六國之士有寧越集解

徐廣曰越一作經或自別有此人不必甯越也衛世家孔氏

之老聃甯問之左氏哀十五 酈吏傳寧成者集解徐廣曰寧

一作甯 漢書郊祀歌周流常羊思所并穰穰復正直往甯

師古曰言獲福既多歸於正道克當往日所願甯合韻音寧

後漢書烏桓傳始復置校尉於上谷甯城注甯城縣名前
書甯縣作寧史記甯城亦作寧寧甯甯兩字通也 續漢書郡
國志一河內朝歌南有寧鄉注史記無忌說魏安僖王曰通
韓上黨於其甯徐廣曰有寧鄉 水經注灤水篇延河又東
逕大甯縣故城南地理志云廣寧也 通雅疑始篇漢郊祀
歌穰穰復正直往甯王莽傳永以康甯甯與寧通

左氏曹伯班卒

公羊曹伯般卒

穀梁同左氏

釋文班必顏反

謹案班般通假字 周易屯六二乘馬班如釋文班如字子

夏傳云相牽不進兒鄭本作般正義馬季長云班班旋不進也 尙書周書分器序班宗彝釋文班本又作般音同 周禮古義內養馬黑脊而般臂蠖注云般臂臂毛有文北山經曰諸毗之水其中多水馬其狀如馬文臂牛尾郭璞云周禮曰馬黑脊而班臂膊 禮記檀弓下般請以機封釋文般音班內則馬黑脊而般臂漏注般臂前脛般般然也釋文般音班 左氏襄十八年傳有班馬之聲爾雅釋言注引作般 左氏莊三十二年經子般卒釋文般音班僖二十八年傳宋人使門尹般如晉師告急釋文般音班宣四年傳闕般爲 尹釋文般音班成十三年傳鄭公子般釋文般音班字林 班襄三十年經蔡世子般釋文般音班昭十一年經楚子處

誘蔡侯般殺之于申釋文般音班二十六 傳晉師使成公

般戍周而還釋文般音班哀二年傳鄭子姚子般送之釋文

般音班十七年傳晉立襄公之孫般師而還釋文般音班

公羊桓二年傳注子般卒曰釋文般音班六年傳注駘殺蔡

侯般不言蔡般釋文般音班莊三十二年傳般也存釋文般

音班襄三十年經蔡世子般釋文般音班 穀梁莊三十二

年經冬十月乙未子般卒釋文般音班襄三十年經蔡世子

般釋文般音班或作班 史記賈生傳般紛紛其離此尤分

集解蘇林曰般音盤孟康曰般音班 漢書禮樂志郊祀歌

先旨雨般裔裔師古曰般讀與班同班布也鄒陽傳使僕人

殺子般師古曰般字與班同東方朔傳魯般爲將作師古曰

般與班同趙充國傳般師罷兵邠展曰般音班班還也揚雄

傳般倕棄其劍刷兮師古曰般讀與班同又般般首帶修蛇

如淳曰般音班 人表攷公輸般始見檀弓下戰國策宋策

般又作班原注列子湯門孟子注亦曰魯般原注淮南齊俗及呂愛類

本經注亦曰班輪原注列子湯問本書亦曰輪班原注易

作魯班亦曰班輪原注列子湯問本書亦曰輪班原注易

亦曰公班原注通大國語齊語注慶父殺太子般舊音

般音班晉語四宋人使門尹班告急於晉舊音班左傳作般

音班楚語下魯圍人榮殺子般於次舊音般音班 墨子尙

賢中篇般得_以貴之 列子說符篇墨子爲守攻公輸般服

八年

左氏春王正月公會王人齊侯宋公衛侯許男曹伯陳世子款盟于洮

公羊春王正月公會王人齊侯宋公衛侯許男曹伯陳世子款鄭世子華盟于洮

穀梁同左氏

謹案此經下卽次鄭伯乞盟則鄭世子華不會盟可知公羊衍此四字

九年

左氏春王三月丁丑宋公御說卒

公羊春王三月丁丑宋公禦說卒

穀梁同公羊

釋文禦魚呂反本亦作御說音悅

謹案禦御字通說詳莊公二十二年陳人殺其公子御寇下
史記宋世家公子禦說犇毫 漢書古今人表宋桓公禦

說

左氏甲子晉侯侂諸卒

注甲子九月十一日戊辰十五日也書在盟後從赴

公羊甲戌晉侯詭諸卒

釋文詭九委反

穀梁甲子晉侯詭諸卒

釋文詭九委反左氏作侂

謹案經書九月戊辰諸侯盟于葵邱甲子晉侯侂諸卒杜氏

云甲子九月十一日戊辰十五日也書在盟後從赴然左氏傳云秋齊侯盟諸侯于葵邱曰凡我同盟之人既盟之後言歸于好宰孔先歸遇晉侯曰可無會也齊侯不務德而勤遠略故北伐山戎南伐楚西爲此會也東略之不知西則否矣其在亂乎君務靖亂無勤於行晉侯乃還九月晉獻公卒掎此則獻公之卒實在盟後公羊作甲戌爲九月二十一日似得其實左穀經作甲子或譌一字僂詭音義同 穀梁文六年傳造辟而言詭辭而出集解辟君也詭辭而出不以實告人 六書故僂古委切晉獻公名僂諸荀子曰天下不治請陳僂詩謂詭辭以風也 史記晉世家武公伐晉二歲卒與曲沃通年卽位凡三十九年而卒子獻公詭諸立 國語晉

語一獻公卜伐驪戎注獻公詭諸也 竹書紀年僖王五年

晉武公卒子詭諸立 隸釋鄭固碑造膝佞辭洪云碑以佞

爲詭

左氏冬晉里克殺其君之子奚齊

注獻公未葬奚齊未成君故稱君之子奚齊受命繼位無罪

故里克稱名 釋文殺如字又音弑傳同公羊音試

公羊冬晉里克弑其君之子奚齊

傳此未踰年之君其言弑其君之子奚齊何弑未踰年君之

號也 釋文殺其音試下及注放此

穀同左氏

傳其君之子云者國人不子也國人不子何也不正其殺世

子申生而立之也

謹案殺弒音之轉故公羊作弒

十年

左氏晉里克弒其君卓及其大夫荀息

公羊晉里克弒其君卓子及其大夫荀息

釋文左氏經無子字

穀梁同左氏

謹案左氏莊二十八年傳晉伐驪戎驪戎男女以驪姬生奚

齊其姊生卓子則卓子本二名左穀經作卓或脫子字

左氏冬大雨雪

注平地尺爲大雪

公冬大雨雹

傳何以書記異也 疏左氏作雪 釋文雹步角反

穀梁同左氏

謹案公羊作大雨雹或因雹與雪字相類而譌

十一年

左氏春晉殺其大夫平鄭父

注以私怨謀亂國書名罪之書春從告

公羊春晉殺其大夫平鄭父

疏左氏經無父字

穀梁同公羊

謹案僖十年左氏傳云遂殺平鄭祁舉及七輿大夫傳無父

字則經無父字可知故公羊疏云左氏經無父字今本左氏經有父字或後人從公穀經增公穀有父字亦衍文

十二年

左氏冬十有二月丁丑陳侯杵臼卒

公羊冬十有二月丁丑陳侯處臼卒

釋文處曰左氏作杵臼

穀同左氏

釋文杵昌呂反

謹案公羊杵作處假音字 史記陳世家莊公七年卒少弟

杵臼立 說文杵春杵也从木午聲

十四年

左氏夏六月季姬及鄆子遇于防使鄆子來朝

注鄆國今琅邪鄆縣 釋文鄆似綾反本或作緡

公羊同左氏

梁穀夏六月季姬及緡子遇于防使緡子來朝

釋文緡在陵反

謹案鄆古書多作緡左氏作鄆當是因邑制字 左氏哀七

年經公會吳于鄆釋文緡才陵反本又作鄆 釋例土地名

魯地哀七年鄆鄆衍二名琅瑯緡縣 說文鄆似姓國在東

海从邑曾聲 史記周本紀申侯怒與緡西夷犬戎攻幽王

正義曰括地志云緡縣在沂州承縣古侯國孔子世家吳與

魯曾緡正義曰括地志云故鄆城在沂承縣地理志云緡縣

屬東海縣也。漢書地理志上東海郡繒故國禹後莽曰繒治。後漢書方術公沙穆傳遷繒相注繒縣屬琅邪郡。續漢書郡國志三琅邪國繒侯國故屬東海。晉書地理志徐州琅邪國繒縣。國語周語中杞繒由大妣周語下杞郟猶在補音郟或作繒通晉語一申人繒人補音繒本或作郟通中州金石紀漢開母廟石闕銘杞繒口普。荀子堯問篇繒邱之封人注繒與郟同。

十五年

左公孫敖帥師及諸侯之大夫救徐

公孫敖率師及諸侯之大夫救徐

穀同左氏

謹案帥率古字通

十六年

左氏春王正月戊申朔隕石于宋五是月六鷦退飛過宋都

注是月隕石之月重言是月嫌同日鷦水鳥高飛遇風而退
正義月令諸言是月皆是前事之月知此是隕石之月也
石隕鷦退俱是宋事事相類而同時告故重言是月嫌同日
也鷦水鳥者相傳爲然春秋考異鄭云鷦者毛羽之蟲生陰
而屬于陽洪範五行傳曰鷦者陽禽鷦字或作鷦 釋文鷦
五鷦反本或作鷦音同

公春王正月戊申朔實石于宋五是月六鷦退飛過宋都

傳是月者何僅逮是月也 注是月邊也魯人語也在正月

之幾盡故曰劣及是月也 釋文是月如字或一音徒兮反

六鵠五歷反水鳥

梁

春王正月戊申朔隕石于宋五是月六鵠退飛過宋都

唐石經作

鵠

釋文鵠五歷反

謹案隕賈字通說見莊七年是月公羊古本作提月是提音

相近鵠鵠古今字 尙書大傳洪範傳鵠者陽禽注鵠或作

鵠 經義雜記六穀梁疏引賈逵云鵠水鳥陽中之陰象君

臣之訟問也賈景伯以闕解鵠是取同聲字爲詁尤可見六

鵠字本从兒也

原注此疏引賈亦誤作鵠

史記宋微子世家六鵠退飛黃集

解引賈注作鵠引公羊傳作鵠素隱引左傳六鵠退飛漢書

五行志下六鶚退蜚過宋都師古曰鶚音五狄反玉篇鶚午
的切又五兮切鶚鵠並同上猶根據許書以从兒爲正从
益者說文不收故列末廣韵二十三錫鵠五歷切鶚上同說
文又作鵠鵠反以鵠爲正首尾倒置矣 說文鵠鳥也从鳥
兒聲春秋傳曰六鵠退飛鵠或从鬲鵠司馬相如說鵠从
赤 六書正譌鵠倪歷切別作鵠非 唐韵正四紙部是承
紙切春秋傳十六年是月六鵠退飛過宋都公羊傳作提月
提音匙 鍾山札記公羊經傳十有六年春王正月戊申朔
賈石于宋五提月六鵠退飛過宋都傳云提月者何僅逮是
月也何休注提月邊也魯人語也在正月之幾盡故曰劣及
是月也在陸德明時所見本固有以提月改作是月故釋文

先云是月如字或一音徒兮反陸氏不詳審傳文及劭公之
注明是爲提字作詒訓若作是月何勞如此費辭乎初學記
晦日條引此正作提月陸佃注鵠冠子王鈇篇家里用提云
提零日也亦引公羊爲證

十八年

左春王正月宋公曹伯衛人邾人伐齊

傳宋襄公以諸侯伐齊三月齊人殺無虧

公春王正月宋公會曹伯衛人邾婁人伐齊

梁同左氏

謹案公羊衍會字

十九年

左氏夏六月宋公曹人邾人盟于曹南鄆子會盟于邾

公羊夏六月宋人曹人邾婁人盟于曹南鄆子會盟于邾婁

傳其言會盟何後會也注君不會大夫刺後會者起責君也地以邾婁者起爲邾婁事也不言君者爲襄公諱也魯本許嫁季姬於邾婁季姬淫泆使鄆子請已而許之二國交忿襄公爲此盟欲和解之既在會問反爲邾婁所欺執用鄆子恥辱加於宋無異故沒襄公使若微者也

穀梁夏六月宋公曹人邾人盟于曹南鄆子會盟于邾

謹案公羊作宋人或字之譌何劭公欲同于微者稱人例遂援季姬事實之以爲爲襄公諱似未足信當以左穀爲正

左氏冬會陳人蔡人楚人鄭人盟于齊

皇清經解卷五十三 趙徵君春秋異文箋

傳陳穆公請修好于諸侯以無忘齊桓之德冬盟于齊修桓公之好也

公羊冬公會陳人蔡人楚人鄭人盟于齊

穀梁同左氏

集解會無主名內卑者也四國稱人外卑者也

謹案陳蔡楚鄭俱稱人則不當書公會公羊衍公字

二十一年

左氏秋宋公楚子陳侯蔡侯鄭伯許男曹伯會于孟

注孟宋地 釋文孟音于

公羊秋宋公楚子陳侯蔡侯鄭伯許男曹伯會于霍

疏左氏作孟穀梁作霍蓋誤或所見異 釋文霍左氏作孟

穀
梁 秋宋公楚子陳侯蔡侯許男曹伯會于雩

集解雩宋地雩或爲字

謹案雩有護音與孟音相近故公羊假霍爲孟雩與孟本同
部字故穀梁假雩爲孟范氏集解云雩宋地或爲字字與孟
音亦相近也公羊疏云左氏作孟穀梁作雩蓋誤或所見異
殆末之深考爾 書梓材惟其塗丹艧釋文艧杜略反徐烏
郭反說文云讀與霍同也 古經解鈞沈十一引崔靈恩三
禮義宗云南嶽謂之霍霍者護也言陽氣用事盛夏之時護
養萬物故以爲稱 唐韵正十九鐸霍虛郭切去聲則虛故
反艧爲郭切去聲則烏故反郭璞山海經注艧黝屬音瓠
白虎通巡狩篇南方爲霍山者何霍之爲言護也言太陽用

事護養萬物也 顏氏家訓書證篇吳人呼鑊字爲霍字

二十二年

左春公伐邾取須句

注須句在東平須昌縣西北 此注見二十一年傳文下 釋文須句其俱

反

公春公伐邾婁取須胸

釋文胸其俱反左氏作句

梁同左氏

謹案左氏作句古省文 漢書五行志中之下取須胸師古

曰須胸邾邑胸音鉅俱反地理志上濟陰郡宛句師古曰句

音叻薛宣傳爲宛句令師古曰句音叻

二十三年

左氏春齊侯伐宋圍緡

注緡宋邑高平昌邑縣東南有東緡城 釋文緡亡巾反

公羊同左氏

穀梁春齊侯伐宋圍閔

釋文閔左氏作緡二十五年楚圍亦同

謹案緡閔音相近穀梁作閔亦假音字 漢書地理志上山

陽郡東緡師古曰春秋僖二十三年齊侯伐宋圍緡卽謂此

音曼

左氏夏五月庚寅宋公茲父卒

公羊夏五月庚寅宋公慈父卒

皇清經解 卷三十三 趙徵君春秋異文箋

釋文慈父左氏作茲父

穀同左氏

說詳四年 史記宋世家作茲甫

二十六年

左氏春王正月己未公會莒子衛甯速盟于向

公春王正月己未公會莒子衛甯速盟于向

釋文遯音速

穀同左氏

謹案速遯字同 左氏莊十九年傳石速國語周語上作石

遯襄十六年傳孟孺子速徼之釋文速本亦作遯音同定十

四年傳謂戲陽速曰從我而朝少君史記衛世家作遯 大

戴禮官人篇執之以物而邀驚決之以卒而度料 說文

部速疾也从辵束聲邀籀文从敕 班馬字類邀史記禮書

輕利剽邀漢書宣紀匈奴呼邀累單于古速字 漢書宣帝

紀匈奴呼邀累單于帥眾來降師古曰邀古速字高惠高后

文功臣表猗氏敬侯陳邀師古曰邀古速字曹參傳東攻魏

將遜邀東張師古曰邀古速字周勃傳得雲中守邀師古曰

邀古速字也息夫躬傳僕邀不足數師古曰邀古速字霍去

病傳討邀濮師古曰邀古速字也匈奴傳上甯侯魏邀師古

曰邀古速字匈奴傳下呼邀累烏厲溫敦師古曰邀古速字

也 晏子春秋內篇問下公曰廉政而邀亡其行何也內篇

雜上君之來邀外篇知不若車之邀 荀子議兵篇輕利僇

遯注遯與速同 管子小稱篇造父有以感轡笑故遯獸可
及遠道可致侈靡篇水平而不流無源則遯場雲平而雨不
甚無委雲雨則遯已四時篇刑德易節失次則賊氣遯至內
業篇老不長慮困乃遯竭 墨子明鬼下若此之潛遯也
呂覽貴卒篇得之同則遯爲上貴直論士之遯弊一若此乎
辨士篇莖生有行故遯長弱不相害故遯大 淮南子兵略
訓欲疾以遯

左氏齊人侵我西鄙公追齊師至鄆弗及

注濟北穀城縣西有地名鄆下 釋文嚮本又作鄆戶圭反

一音以轉反

公齊人侵我西鄙公追齊師至嚮弗及

釋文鴛戶圭反又似充反

梁設同公羊

釋文鴛音攜又似充反

謹案公穀作鴛蓋省文 說文鄒東海之邑从邑鴛聲

左氏秋楚人滅夔以夔子歸

注夔楚同姓國今建平秭歸縣 釋文夔求龜反

公羊秋楚人滅隗以隗子歸

釋文隗五罪反二傳作夔

梁設同左氏

謹案夔隗音相近故公羊作隗夔與歸古音亦相類故水經注作歸鄉地理志作歸子國竝假音字 水經江水篇江水

又東過秭歸縣之南注云縣故歸鄉地理志曰歸子國也樂
緯曰昔歸典協聲律宋忠曰歸卽夔歸鄉蓋夔鄉矣古楚之
嫡嗣有熊肇者以廢疾不立而居于夔爲楚附庸後王命爲
夔子春秋僖公二十六年楚以其不祀滅之者也 南江札
記史記索隱引譙周古史考作滅歸

二十八年

左氏冬公會晉侯齊侯宋公蔡侯鄭伯陳子莒子邾子秦人于溫
公羊冬公會晉侯齊侯宋公蔡侯鄭伯陳子莒子邾婁子秦人于

溫

穀梁冬公會晉侯宋公蔡侯鄭伯陳子莒子邾子秦人于溫

謹案穀梁無齊侯二字或脫文

左氏 天王狩于河陽

釋文狩本又作守音同

公羊 同左氏

穀梁 天王守于河陽

釋文守音狩

謹案穀梁作守古省文 周易明夷九三明夷于南狩釋文

狩手又反本亦作守同 尚書舜典歲二月東巡守釋文守

詩救反本或作狩周官傳周制十二年一巡守釋文守音狩

本亦作狩 毛詩大雅崧高箋四嶽卿士之官掌四時者也

因主方嶽巡守之事釋文守音狩本亦作狩周頌時邁序時

邁巡守告祭柴望也釋文守手又反本或作狩注同殷序般

巡守而祀四嶽河海也釋文守手又反 周禮大宰注謂王
巡守在外時釋文守音狩本亦作狩後巡守皆放此 禮記
王制天子五年一巡守釋文守手又反本或作狩後巡守皆
同曾子問天子巡守釋文守手又反本亦作狩祭義天子巡
守釋文守手又反本或作狩 左氏莊二十一年傳王巡虢
守釋文守音狩本或作狩襄十三年傳先王卜征五年注征
謂巡守征行釋文守手又反本又作狩昭十二年傳楚子狩
于州來釋文守本亦作狩同手又反 公羊隱八年傳注有
事者巡守祭天告至之禮也釋文守手又反本又作狩 穀
梁隱十一年傳注謂巡守崩葬兵革之事釋文守音狩本亦
作狩 孝經孝治章鄭注天子亦五年一巡守釋文守手又

反本又作符 莊子胠篋篇以守其盜賊之身乎釋文守如
字舊音符

二十九年

左夏六月會王人晉人宋人齊人陳人蔡人秦人盟于崔泉

傳夏公會王子虎晉狐偃宋公孫固齊國歸父陳轅濤秦
小子慙盟于崔泉寺踐上之盟且謀伐鄭也卿不書罪之也
在禮卿不會公侯會伯子男可也

注晉侯始霸翼戴天子諸侯輯睦王室無虞而王子虎下盟
列國以瀆大典諸侯大夫上敵公侯虧禮傷教貶諸大夫
諱公與盟

公夏六月公會王人晉人宋人齊人陳人蔡人秦人盟于秋泉

注文公圍許不能服自知威信不行故復上假王人以會請
侯年老志衰不能自致故諸侯亦使微者會之

穀梁

夏六月公會王人晉人宋人齊人陳人蔡人秦人盟于崔泉

謹案左氏傳云公會又曰卿不書罪之也並不言不書公諱
公與盟則左氏經常有公字無者脫漏耳杜注或擊崔狄字
通

三十二年

左氏夏四月己丑鄭伯捷卒

釋文捷在接反

公羊夏四月己丑鄭伯接卒

釋文接二傳作捷

穀同左氏

謹案捷接字通說詳莊公十二年 漢書古今人表鄭文公

接

三十三年

左氏夏四月辛巳晉人及姜戎敗秦師于殽

羊公夏四月辛巳晉人及姜戎敗秦師于殽

傳其謂之秦何夷狄之也 注据敗者稱師未得師稱人

穀同左氏唐石經何刻似無師字

謹案公羊或脫師字傳從而爲之辭

左氏公伐邾取訾婁

公伐邾婁取叢

疏云有作鄒字者又文七年疏云叢字多作鄒字 釋文取

鼓才工反左傳作取些樓

案抱經堂釋文作鼓為古開注疏本作叢又案今本左氏經作些樓

梁公伐邾取些樓

謹案叢字从取得聲古音近租合些婁二音卽爲叢公羊疏

謂有作鄒字者亦假音字婁樓古音皆近問故穀梁作樓

左氏傳十八年傳眾不可而後師十些婁注些婁衛邑釋文

些子斯反婁郎句反又耶鉤反襄二十六年傳及少婁釋文

婁如字徐力俱反如淳音樓 說文叢从聿取聲 唐韻

十九侯樓古音問 史記建元已來王子侯者年表叢集解

徐廣曰一作取

左 隕霜不殺草

公羊
實霜不殺草

穀
同左氏

謹案公羊墮作實通假字說詳莊七年

靈川舉人秦培璠對字

皇清經解卷一千三百零七終

皇清經解卷一千三百零七終

皇清經解卷一千三百零八

學海堂

春秋異文箋

仁和趙徵君垣著

文公元年

左氏二月癸亥日有食之

注癸亥月一日不書朔官失之

公羊二月癸亥朔日有食之

穀梁同左氏

謹案左穀無朔字或闕文

左氏冬十月丁未楚世子商臣弑其君頹

釋文頹憂倫反又邱倫反

公羊冬十月丁未楚世子商臣弑其君髡

皇清經解卷之三十一 趙徵君春秋異文箋

釋文髡苦門反左氏作頽

穀
梁同公羊

謹案公穀作髡聲之譌 說文頽頭頽頽大也从頁君聲髡
鬣髮也从髟兀聲髡或从元 漢書古今人表楚成王樅師
古曰左傳作頽音於倫反

二年

左氏夏六月公孫敖會宋公陳侯鄭伯晉士穀盟于垂隴

注垂隴鄭地滎陽縣東有隴城 釋文穀戶木反本又作穀

同隴力勇反

公羊夏六月公孫敖會宋公陳侯鄭伯晉士穀盟于垂斂

釋文穀戶木反垂斂左氏作垂隴

穀同公羊 唐石經

集解垂斂鄭地 釋文穀尸木反本又作穀九年同斂如字

左氏作垂隴

謹案斂字在廣韻儉部隴字在廣韻腫部古音儉腫不相通古方音則通公穀以斂爲隴亦方音之轉穀穀假音字 釋

例土地名鄭地滎陽縣東有垂隴城 易繫辭下不封不樹

虞翻注穿土稱封封古窆字也 周禮地官肆長斂其總布

杜子春云總當爲僂遂人及窆陳役鄭司農云窆謂下棺時

遂人主陳役也禮記謂之封春秋謂之塋皆葬下棺也聲相

似夏官大僕大喪始崩戒鼓傳達于四方窆亦如之鄭司農

云窆謂葬下棺也春秋傳所謂日中而塋禮記謂之封皆葬

下棺也音相似窆讀如慶封汜祭之汜 儀禮既夕禮乃窆

注今文窆爲封 禮記檀弓上縣棺而封注封當爲窆喪大

記凡封用紼去碑負引注封周禮作窆窆下棺也此封或皆
作斂檀弓曰公輸若方小斂般請以機封謂此斂也然則棺
之人坎爲斂與斂尸相似記時同之耳 左氏襄二十九年

傳爲之歌魏曰美哉颯颯乎釋文颯扶弓反徐敷劔反中庸
之聲也章昭音凡 唐韻正二十一侵部或疑侵韻在古可

入東者詩七月八章二之日鑿冰沖沖三之日納于凌陰則
讀陰爲雍矣雲漢二章后稷不克上帝不臨耗斁下土寧丁
我躬則讀臨爲隆矣蕩首章天生烝民其命匪謫靡不有初
鮮克有終則讀謫爲戎矣楚辭天問比干何逆而抑沈之雷

開何順而賜封之則讀沈爲蟲矣九辨願賜不肖之軀而別
離兮放游志乎寬中乘精氣之搏搏兮驚諸神之湛湛騷白
寬之習習兮歷羣靈之豐豐則讀湛爲蟲矣素問調經論血
并於陰氣并於陽故爲驚狂血并於陽氣并於陰乃爲臈中
太元經進次四日飛懸陰萬物融融則亦讀陰爲雍矣東觀
漢記載順帝作梁商誅孰云忠侯不聞其音背去國家都茲
元陰幽居冥冥靡所宜窮則音陰益讀爲雍矣太元經減測
善減不減常自沖也心減形身困諸中也減其儀欲自禁也
減於父無以益眾也則讀禁爲嬰矣元瑩夫一一所以摹始
而測深也三三所以盡終而極崇也二二所以參事而要終
也則亦讀深爲春矣劉向九歎吸精粹而吐氛濁兮橫邪世

而不取容行叩誠而不阿今遂見排而逢讒則讀讒爲叢矣
魏文帝黎陽詩朝發鄴城夕宿韓林霖雨戒塗與人困窮後
漢避瘍帝諱改隆慮曰林慮荀子書亦作臨慮則讀林爲隆
矣又如司馬相如長門賦以宮中崇窮與心音臨風淫陰禮
吟南同用而又雜一閭字又若易豫九四朋盍簪荀爽本作
宗書洛誥母若火始燄燄漢書梅福傳引作庸庸詩我躬不
閱表記引作我今不閱與爾臨衝韓詩作隆衝春秋公孫放
會宋公陳侯鄭伯晉士穀盟于垂隴公羊穀梁作垂斂左傳
懿公奪閭職之妻史記齊世家作庸職而周禮記左傳空墉
封三字通用禮記明堂位魯有崇鼎呂氏春秋以爲岑鼎案左
氏昭三年傳譏鼎之銘正義曰服虔云
譏鼎疾譏之鼎明堂位所云崇鼎是也 風俗通空侯者孝武

時樂入侯調所作本名坎侯此蓋出於土俗之殊要不得以爲正音耳 墨子節葬下滿埴無封注云後漢書注引作窆封窆聲相近 臧鶴泉先生曰鞞鞞鼓我之鞞說文變作坎其字从夆聲可證隴斂音變 左氏僖二十七年傳郤穀可釋文穀本又作穀同胡木反宣十二年傳先穀佐之釋文穀戶木反本又作穀音同 國語晉語四郤穀可補音穀本或作穀

三年

左氏晉陽處父帥師伐楚以救江

公羊晉陽處父帥師伐楚救江

傳此伐楚也其言救江何爲諉也其爲諉奈何伐楚爲救江

也。注諷詐

穀同公羊

傳此伐楚其言救江何也江遠楚近伐楚所以救江也

謹案公穀脫以字

五年

左氏三月辛亥葬我小君成風王使召伯來會葬

注召伯天子卿也召采地伯爵也

公羊同左氏

穀梁三月辛亥葬我小君成風王使毛伯來會葬

疏左氏公羊及徐邈本竝云召伯此本作毛伯疑誤也

謹案穀梁作毛伯聲之誤經義雜記五據疏知徐仙民所

注穀梁亦同二傳作召伯今本誤也元年天王使毛伯來錫
公命范注毛采邑伯字也天子上大夫於此無注則范注本
作毛伯又元年天王使叔服來會葬疏引此亦作毛伯

六年

左氏八月乙亥晉侯驩卒

釋文驩喚官反

公羊八月乙亥晉侯謹卒

釋文謹好官反

穀梁同左氏

釋文驩好官反

謹案公羊作謹假音字 國語晉語四吾欲使陽處父傳謹

也 補音謹呼官反案內傳作驩字通 禮記檀弓書云高

宗三年不言言乃謹注謹喜說也釋文謹音歡坊記言乃謹

注謹當爲歡聲之誤也釋文謹依注音歡 左氏昭四年傳

寡人願結驩於二三君五年傳君若驩焉好逆使臣六年傳

寡君以爲驩也 孟子驩虞如也音義丁云義當作歡娛古

字通用耳 說文言部謹譁也从言萑聲馬部驩馬名从馬

萑聲 六書故驩呼官切說文曰馬名也借爲驩虞之驩與歡通

史記殷本紀天下咸驩魯世家乃有亮闇三年不言言乃驩

漢書高后紀上有驩心呂使百姓 逸周書官人解忠愛

以事親驩以盡力而不回太子晉解遠人來驩周祝解驩哉

民乎 晏子春秋內篇雜上君以驩予之地 戰國策韓策

二以交足下之驩 列女傳節義傳既驩乃顧謂二姬曰樂

年 釋梁相孔耽神祠碑驩樂詩考廣漢為國侯李翊傳

得殊俗驩心武梁祠堂畫象嬰兒之態令親有驩隸續漢安

張陳君閣道碑驩悅歌詠 荀子非相篇欣驩芬菲以送之

大略篇交不驩欣又事生飾驩也又夫婦不得不驩 新書

屬遠篇士民皆有驩樂其止退讓篇政染楚之驩山宋就始

官太篇仁足以合上下之驩又能合兩君之驩道德說篇合

則驩然大樂矣 管子小匡篇驩欣足以相死又小國諸侯

驩如父母若臣下篇禮私愛驩形勢解篇親戚相驩又故萬

民驩盡其力又初雖相驩版法解篇萬民驩盡其力 墨子

天志中篇驩若愛其子明鬼下篇此猶可以合驩聚眾大取

篇天下之利驩 呂覽順說篇莫不驩然 列子黃帝篇莫

不驩然皆欲愛利之釋文驩音歡 莊子天下篇以眙合驩

尙書堯典驩兜 孟子放驩兜于崇山 史記五帝本紀

驩兜夏本紀何憂乎驩兜 人表攷驩兜始見莊子在宥本

作驩兜

原注

又作驩頭

原注

荀子議兵篇是以

貞

伐驩兜 新書連語篇驩兜欲引而爲惡則誅

左 氏 晉狐射姑出奔狄

釋文射音亦一音夜

公 同左氏

釋文射姑音亦又音夜穀梁作夜

穀 梁 晉狐夜姑出奔狄

釋文夜姑左氏作射姑

謹案射與夜古竝音豫穀梁作夜亦假音字 左氏昭二十

五年傳申夜姑釋文夜本或作射音夜又音亦定二年傳邾

莊公與夷射姑飲酒釋文射音亦一音夜 說文夕部夜舍

也天下休舍也从夕亦省聲 唐韻正四十禍案射字右有

樹像石亦四音音樹者詩大叔于田禮記射義是也音石者

易雷風相薄水火不相射是也本一音而分去人其義亦同

故左傳昭十三年司鐸射音食亦反又食夜反是也音像者

春秋文六年狐射姑穀梁傳作狐夜姑漢書注僕射音夜夜

古音像足也與前一義而異音音亦者詩車牽柳是也爲厭

斲之意中庸引振鷲在此無斲作射又律呂無射夜亦二音

亦木一音而分去入也

案此顧氏遺于區別其實當從右四聲通轉之例爲得

後漢書

陳寵傳夫冬至之節陽氣始萌故十一月有蘭射于芸荔之
應注易通卦驗曰十一月廣莫風至則蘭夜于生 列子黃
帝篇列姑射山釋文射音夜 莊子逍遙遊藐姑射之山有
神人居焉釋文射徐音夜又食亦反李實夜反

七年

左氏 三月甲戌取須句

公羊 三月甲戌取須胸

穀梁 同左氏

說見僖公二十二年

左氏 夏四月宋公王臣卒

釋文王臣如字往方反本或作王臣

公同左氏

穀夏四月宋公王臣卒

釋文王臣本或作王臣

謹案穀梁作王臣或字之譌 左氏定四年傳宋王臣釋文

王如字本或作王如林反 史記宋世家作王臣 山左金

石志七武梁石室畫象秦王即王字 漢魯峻碑陰王端

子行王輔子助

王皆作王

戊子晉人及秦人戰于合狐晉先蔑奔秦

左氏 戊子晉人及秦人戰于合狐晉先昧以師奔秦

唐石經作昧

傳此偏戰也何以不言師敗績敵也此晉先昧也其傳人何

貶曷爲貶外也其外奈何以師外也 疏左氏穀梁作先蔑

釋文昧音蔑左氏作蔑

穀梁同左氏

謹案蔑昧音義同詳見隱公元年盟于蔑下公羊有以師二字或衍文

八年

左氏乙酉公子遂會雒戎盟于暴

傳冬襄仲會晉趙孟盟于衡雍報扈之盟也遂會伊雒之戎
釋文會雒戎音洛本或作伊雒之戎此後人妄取傳文加

爾

公羊乙酉公子遂會伊雒戎盟于暴

穀
梁同左氏

釋文本或作伊雒之戎誤

謹案左氏傳云遂會伊雒之戎是伊雒二字可並言經文作雒戎從省文公羊作伊雒戎當是不省伊字

左
氏公孫放如京師不至而復丙戌奔莒

公
羊公孫放如京師不至復丙戌奔莒

穀
梁同左氏

謹案公羊或脫而字

九年

左
氏冬楚子使椒來聘

公
羊同左氏

釋文椒子遙反一本作菽子小反

梁穀冬楚子使菽來聘

釋文菽子遙反又子小反或作菽左氏作椒

謹案穀梁作菽將之轉耳 玉篇菽且留切蒿也左氏傳云

伐雍門之菽又七肖切 漢書古今人表楚湫舉師古曰卽

椒舉

十年

左氏楚子蔡侯次于厥貉

公羊楚子蔡侯次于屈貉

釋文屈貉居勿反又音厥二傳作厥貉

梁穀同左氏

謹案厥屈音相近公羊作屈貉亦聲譌說互見昭公十一年
會于厥愁下 漢書古今人表厥黨童子師古曰卽闕黨童
子也

十一年

左氏春楚子伐麋

釋文麋九倫反

公羊春楚子伐圜

釋文圜求阮反一音卷說文作圜字林曰萬反二傳作麋

穀梁同左氏

謹案禮記王制篇制三公一命卷鄭注卷俗讀也其通則曰
袁圜說文从口悉聲則音當近緬與九倫切之麋字音正相

近故公羊作圉廣韻以圉氏本氏其國是古有圉國杜范氏于麋字下無注何氏于圉下亦無注廣韻所稱之圉國豈卽楚子所伐之麋與 古經解鈞沈十八引穎容例麋當陽也

詩幽風九罭袞衣繡裳傳袞衣卷龍也釋文袞古本反字或作卷音同小雅采芣元袞及黼傳元袞卷龍也釋文袞古本反卷音勉反本又作袞 周禮春官司服享先王則袞冕鄭司農云袞卷龍也 禮記郊特牲王被袞以象天釋文卷本又作袞同古本反玉藻龍卷以祭注字或作袞釋文卷音袞明堂位注諸公之服自袞冕而下釋文卷本又作袞同音古本反雜記上公襲卷衣一釋文卷音袞喪大記君以卷釋文卷本又作袞同古本反祭義天子卷冕北面釋文卷古本

反祭統君卷冕立于阼釋文卷古本反 左氏桓二年正義

衮之言卷也謂龍首卷然 釋名釋首飾篇衮卷也畫卷龍

於衣也 說文口部囙从口卷聲鹿部麋麋也从鹿困省聲

麋籀文不省 廣韻二十阮部囙獸闕文姓後漢末囙稱字

幼舉撰陳留風俗傳囙氏木氏於其國求晚切又其卷切

十二年

左氏春王正月邾伯來奔

公羊春王正月盛伯來奔

穀梁同左氏

說見莊公八年圍邾下

左氏秦伯使術來聘

公羊 秦伯使遂來聘

釋文使遂二傳作術

穀梁 同左氏

釋文術音述

謹案公羊作遂聲之轉耳 漢書五行志中之上秦伯使遂

來聘師古曰即左氏所謂西乞術 禮記月令篇審端徑術

注術周禮作遂夫間有遂遂上有徑遂小溝也釋文術依法

音遂學記篇術有序注術當為遂聲之誤也周禮萬二千五

百家為遂 春秋繁露求雨篇曰杵於術 說文行部術邑

中道也从行尤聲 九經字樣術音述邑中道也 唐韻正

六術術食聿切去聲則音遂水經注引學記術有序作遂有

序春秋文十二年秦伯使術來聘公羊傳漢書五行志竝作
遂管子度地篇故百家爲里里十爲術術十爲州術音遂胡
三省注通鑑袁術據術字公路當讀如月令審端徑術之術
然古人術遂二音通用後漢馮衍顯志賦櫬六枳而爲籬兮
築蕙若而爲室播蘭芷於中庭兮列杜蘅於外術晉左思魏
都賦於後則椒鶴文石永巷闕術楸梓木蘭次舍甲乙西南
其戶成之匪日丹青炳煥特有溫室呂延濟注闕術謂宮門
道也 續漢書律厯志下晦朔合離斗建移辰謂之日月之
術 文選何平叔景福殿賦欲反忘術注廣雅曰術道也謝
靈運登石門最高頂詩來人忘新術去子惑故蹊 鄭志張
逸問傳曰山川能說何謂也答曰兩詩或言說說者說其形

勢也或曰述述者述其故事也述讀如遂事不諫之遂

左氏季孫行父帥師城諸及鄆

注鄆莒魯所爭者城陽姑幕縣南有員亭員卽鄆也 釋文

鄆音運員音云一音運本又作鄆音同

公羊季孫行父帥師城諸及運

釋文運二傳作鄆後皆同

梁穀同左氏

謹案鄆音同公羊作運假音字員運音相近故杜注云員卽鄆也 廣韻二十三問鄆邑名又州名魯太昊之後風姓

禹貢兗州之域卽魯之附庸須句國也秦爲薛郡地漢爲東平國武帝爲大河郡隋爲鄆州 水經注瓠子河篇瓠河又

東運鄆城南春秋左傳成公十六年公自沙隨還待於鄆京
相璠曰公羊作運字今東郡廩邱縣東八十里有故運城卽
此城也沂水篇沂水又東南逕東莞縣故城西與小沂水合
孟康曰縣故鄆邑左氏傳曰莒魯爭鄆爲日久矣今城北鄆
亭是也京相璠曰琅邪姑幕縣南四十里員亭故魯鄆邑世
變其字非也郡國志東莞有鄆亭今在團城東北四十里

齊乘郡邑篇沂水縣本春秋莒魯所爭之鄆邑十三州記曰
魯昭公所居爲西鄆在東平莒魯所爭爲東鄆在此 山海
經西山經廣員百里畢氏曰國語云廣運百里韋昭曰東西
爲廣南北爲運運員音相近 墨子非命上譬猶運鈞之上
而立朝夕者也非命中譬猶立朝夕於員鈞之上也非命下

譬之猶運鈞之上而立朝夕焉也 莊子天運釋文天運司

馬作天員

十三年

左氏邾子遽薛卒

釋文遽其居反薛丈居反

公羊邾婁子遽條卒

釋文遽條其居反下直居反

梁欒邾子遽條卒

謹案說文分言遽字薛字訓爲二物并言遽條二字作一物

解是經文遽條字皆當从竹矣左氏从艸亦猶筮金之筮作

苙符郎之符作苙筆小誤爾 說文艸部遽遽麥也从艸遽

聲蔭黃蔭職也从艸除聲竹部遠蔭條粗竹席也从竹遠聲
條遠條也从竹除聲 五經文字竹部遠作遠訛

氏左
大室屋壞

傳大室之屋壞書不共也 注大廟之室 正義大廟之制
其簷四阿而下室當其中又拔出爲重屋明堂位云大廟天
子明堂復廟重檐天子之廟飾鄭云復廟重屋也是天子之
廟上爲重屋此是大廟當中之室其上之屋壞非大廟全壞
也又曰左氏先師賈服等皆以爲大廟之室也 釋文大音

泰

公
羊世室屋壞

傳世室者何魯公之廟也周公稱大廟魯公稱世室羣公稱

宮 釋文世室二傳作大室

穀同左氏

傳大室猶世室也周公曰大廟伯禽曰大室韋公曰宮

謹案大與世古字通用公穀以爲魯公廟皆音近而誤 古

經解鈎沉十八引服注太室太廟之上屋也 公羊古義世

室屋壞二傳作大室賈逵服虔等皆以爲大廟之上屋禮說

曰清廟之制如明堂明堂五室故清廟五寢中央曰大室亦

曰大寢大室屋壞者室上重屋明堂位所謂復廟重檐天子

之廟室洛誥王入大室禋是也孔穎達曰左傳不辨此是何

公之廟而經謂之犬室則此室之最大者故知是周公之廟

非魯公也明堂位曰魯公之廟文世室也武公之廟武世室

也世室非一君不宜專屬伯禽棟案公羊皆以世爲大如衛
大叔儀爲世叔齊宋樂大心爲樂世心又推而廣之如鄭大
夫子大叔論語作世叔天子之子稱大子春秋傳云會世子
于首止諸侯之子稱世子而晉有大子申生鄭有大子華春

秋經齊世子光左傳云大子光明古世與大同義是世室猶

大室也

原注樊榘復筆下民租田口算碑云魯不修大室春秋作議又樊榘修葺碑云世室不修春秋作譏二

碑同時所立或作世知字本通也

左氏桓九年經曹伯使其世子射姑來

朝正義曰諸經稱世子及衛世叔申經作世字傳皆爲大然
則古者世之與大字義通也宣十八年經晉侯衛世子臧伐
齊傳晉侯衛大子臧伐齊漢書五行志中上左氏說曰前
堂曰大廟中央曰大室屋其上重屋尊高者也又穀梁公羊

經曰世室

案今本穀梁經同左氏

禮記曲禮下不敢與世子同名注

世或爲太 唐韻正五質部春秋哀十一年衛世叔齊出奔

宋左傳作大叔疾

左氏冬公如晉衛侯會公于沓

公冬公如晉衛侯會于沓

穀梁同左氏

謹案公羊脫公字

左氏公還自晉鄭伯會公于斐

注斐鄭地 釋文斐方尾反又非尾反

公還自晉鄭伯會公于斐

釋文斐本又作斐芳尾反

梁穀還自晉鄭會公于斐

釋文斐芳匪反

謹案斐斐音同公羊作斐假音字公穀少公字或闕文左
氏襄三十一年傳印段廷勞于斐林釋文斐芳尾反本又作
斐

十四年

左晉人納捷菑于邾弗克納

公晉人納捷菑于邾婁弗克納

釋文接菑在妾反又如字下側其反一傳作捷菑

穀同左氏

說詳莊公十二年

十六年

左 六月戊辰公子遂及齊侯盟于鄆

注鄆丘齊地 釋文鄆音西又七西反

公 六月戊辰公子遂及齊侯盟于犀丘

疏正本作菑丘故賈氏公羊曰菑丘穀梁曰師丘是也今左

氏經作鄆字 釋文犀丘音西左氏作鄆丘穀梁作師丘

穀 六月戊辰公子遂及齊侯盟于師丘

集解師丘齊地 釋文師丘左氏作鄆丘公羊作犀丘

謹案鄆犀師古音皆相近公羊作犀穀梁作師竝假音字

水經注潁水篇細水又東南逕宋縣故城北縣卽所謂鄆丘

者也秦伐魏取鄆丘謂是邑矣 史記匈奴列傳黃金胥紕

一集解徐廣曰或作犀毗索隱案漢書作犀毗戰國策云趙武靈王賜周紹貝帶黃金師比延篤云胡革帶鈎也則此帶鈎亦名師比則胥犀與師竝相近而說各異耳班固與賈固賧云賜犀比金頭帶是也漢書匈奴傳上黃金犀毗一師古曰犀毗胡帶之鈎也亦曰鮮卑亦謂師比總一物也語有輕重耳

左氏冬十有一月宋人弑其君杵臼

公羊冬十有一月宋人弑其君處臼

釋文處臼二傳作杵臼

穀梁同左氏

說見僖公十二年 史記宋世家作杵臼

皇清經解 卷五十三 趙徵君春秋異文箋

十七年

左氏夏四月癸亥葬我小君聲姜

公羊夏四月癸亥葬我小君聖姜

釋文聖姜二傳作聲姜

穀梁同左氏

謹案聲聖音相近公羊作聖假音字

靈川舉人秦培璠對字

皇清經解卷一千三百零八終